

## **Theologiæ Sacramentalis Scholasticæ Et Moralis Pars ...**

Ad Mentem Doctoris Subtilis Ioannis Duns Scoti D. Augustino conformen

In qua tractatur de Sacrementis in Genere, & duobus primis in specie

**Bosco, Jean a**

**Lovanii, 1665**

Concl. I. Martyrium est mors illata pro fide Christi, aut vera virtute.

---

[urn:nbn:de:hbz:466:1-73340](#)

tamen sunt auctoritatis) eligo rursum & dico; omnes designatos & admissos, legitime vel illegitimè esse veros Suscepiores, & per consequens contrahere cognitionem spiritualem, nisi aliquid aliud obsteret. Plura de hac cognitione in materia de Matrimonio. Hæc pauca impræsentiarum volui exscribere, ne principalior obligatio Patrionum videretur totaliter prætermissa.

81. Et hæc tenus quidem de Baptismo fluminis (qui est propriè dictum Sacramentum) & (quæcumque sufficit pro hoc loco) de Baptismo Flaminis, sic dictus, quoniam

in adultis supplet vicem Baptismi fluminis, conferendo gratiam sanctificatiæ & remissionem peccatorum, quamvis diverso modo, scilicet ex opere operantis; unde non est verum Sacramentum, sed votum dumtaxat Sacramenti; perfecta utique contritio, vel amor Dei super omnia, de gibus latius disp. &c. de Virtute Pœnitentie.

His duobus Baptismatibus adjungunt communiter Theologi Baptisma Sanguinis, ejus in præcedentibus aliquoties fecimus mentionem, & explicationem ad calcem disputationis rejecimus. Sit itaque

## SECTIO SEPTIMA.

### De Baptismo Sanguinis seu Martyrio.

**P**ostquam Dominus Christus in Ecclesia sua Sacramentum novi Testamenti pro Circumcisione carnis Sanctum Baptismum dedit, & apertissimè dixit: Si quis non renatus fuerit ex aqua & Spiritu sancto, non intrabit in regnum calorum: iam non debemus querere, quando quisque fuerit baptizatus, sed quoscumque legimus in corpore Christi, quod est Ecclesia, pertinere ad regnum calorum, non nisi baptizatus intelligere debemus, nisi forte quos angustia temporis inventi, & nolentes negare Christum, antequam baptizarentur, occisi sunt, quibus ipsa passio pro Baptismo deputata est. Verba sunt magni Patris Aug. Epist. 108.

Ex quibus hanc difficulterit unicuique colligere, quid sit Martyrium, & cur appelletur Baptismus Sanguinis? Quid, inquam, sit Martyrium, ictulic passio mortis pro fide Christi: & cur appelletur Baptismus sanguinis; quia videlicet pro Baptismo fluminis deputatur,

Queris quomodo deputetur? Audi eundem Sanctum & Exium Ecclesiae Doctorem lib. 13. de Civit. c. 7. Quicunque etiam non percepto regenerationis lavacrum pro Christi confessione moriuntur: tantum eis valeat ad dimittendia peccata, quantum si abluerentur sacro fonte Baptismatis.

Probationem continuo attextit: Qui enim dixit: Nisi quis renatus fuerit ex aqua & Spiritu sancto, non intrabit in regnum celorum: alia sententia istos fecit exceptos, ubi non minus gener alter dixit: Qui me confessus fuerit coram hominibus, confitebor & egô eum coram patre meo, qui in celis est.

Et alio loco: Qui perdiderit animam suam propter me inveniet eam. Hinc est quod scriptum est: Pretiosa in confectu Domini mors

sancctorum ejus. Quid enim pretiosius quam mors per quam fit ut etiam delicia omnia dimittantur, & merita cumulatissima augementantur? Hæc dicitus D. Aug.

De hoc ergo Martyrio præsens instituitur Sectio; & disputatur Primo, quid ad ipsum sit necessarium. Secundo, quam efficaciam habeat. Tertiò, quando conferat suum effectum. Ut autem omnia cruciatissimè proponantur, & quæ patet claritate discutiantur, rursus definio seu describo Martyrium, & dico.

### CONCLUSIO I.

Martyrium est mors illata profide Christi, aut vera virtute.

**M**artyrium græce, latine idem est quod testimonium; euidem secundum usum Ecclesiasticum appropriatum testimonio, quod datur Deo, vel Christo per mortem. Notate verba, signate mysteria.

Primum mysterium explicat D. Aug. con. 2. super illud Psal. 34. Deus meus & Dominus meus in causam meam. Non in penam meam, inquit, sed in causam meam. Non in illud, quod mecum habet latro communem, sed in illud, quod beati, qui persecutionem patiuntur propter iustitiam. Hec enim causa discreta est. Nam pena simili est boni, & maliti. Itaque Martires non faciunt penam (scilicet, sola) sed causam.

Hinc scribens Bonifacio comiti Epist. 50. alleveranter loquitur dicens: Veri Martires illi sunt, de quibus Dominus ait: Beati qui persecutionem patiuntur propter iustitiam.

D d 3

Quid sit  
Martyrium,  
& cui appelli-  
tur baptis-  
mus sanguini-  
dis.

S. Aug.

Doctorem lib. 13. de Civit. c. 7. Quicunque

etiam non percepto

regenerationis lavacrum

pro Christi confes-

sionem mori-

untur: tantum eis

valeat ad dimi-

tendia peccata,

quantum si ablu-

erentur sacro fonte

Baptismatis.

32. Probationem

continuo attextit:

Qui enim

dixit: Nisi quis

renatus

fuerit ex aqua

& Spiritu

sanc-

torum

est.

Et alio loco:

Qui perdi-

derit animam

suam

propter me

inveniet eam.

Hinc est

quod scrip-

tuimus

Epist. 50. 115. v.

Preciosa in confectu Domini mors

134.

tiam. Non ergo qui propter iniquitatem, & propter Christiane unitatis impian divisionem, sed qui propter iustitiam persecutionem patiuntur, hi martyres veri sunt.

*Mel. 42. v. 1.* Confirmat exemplo Christi: Et ipse Dominus cum latronibus crucifixum est. Sed quos passio ungebant, causa separabat, Ideo in psalmo vox illa intelligenda est verorum martyrum, voluntarij se discerni a martyribus falsis: Judicame Deus & discerne causam meam de gente non sancta: Non dixit, discerne poenam meam, sed discerne causam meam. Potest enim esse impiorum similis pena, sed dissimilis est Martyrum causa.

*3.*  
Quarum  
prima est ut  
sit testimonium fidei  
aut vera virtus

Credo jam intelligitis, quæ sit prima conditio requisita ad verum & propriè dictum Martyrium, scilicet ut sit testimonium fidei, aut vera virtus. Addo, Aut vera virtus, quia Ecclesia colit pro veris Martyribus Thomam Cantuariensem osculum in defensionem libertatis Ecclesiastice, multas Virgines interemptas pro custodia castitatis, Machabœos interfectos pro observatione legis iudaicæ.

Veri ergo Martyres sunt qui moriuntur, quia jejunaverunt, oraverunt, Missam audierunt aut celebrarunt, Sacra menta administrarunt, aut receperunt &c. hi enim omnes testimonium exhibent Deo sive Christo, quatenus profuso sanguine approbant legem Dei, & doctrinam Christi de virtutibus nobis traditam.

Num igitur dixerim Martyrem, qui occiditur, quia solvit debitum iustitiae? quia ex officio quod justum est judicavit? Dixerim plane, si solam causam mortis species: neque enim minus virtus iustitiae, quam castitatis ex fide reluet; & si castitatem corde credimus ad iustitiam, & ore confitemur ad salutem, quidni etiam iustitiam? Enimvero qui dixit: Non furaberis, etiam dixit: Non occides, Non furtum facies &c.

Vera autem virtus est quam docet vera fides,

*Si ergo à me queritur quæ sit vera Virtus, citius Respondeo, quam docet vera fides, & ideo qui confiterit veram virtutem, etiam implicitè testimonium perhibet veræ fidei, & per consequens auctori veræ fidei, scilicet Deo aut Christo.*

*Dices; haeticus potest occidi pro verâ virtute, quis tamen cum dixerit Martyrem? Fortis, inquit D. Aug. Epist. 204. ab Ecclesia constitutus, & separatus à compage unitatis & vinculo charitatis, eterno suppicio puriueris, etiam pro Christo virus incenderetur. Probat ex Apostolo: Hoc est enim quod ait Apostolus: Etsi tradidero corpus meum ita ut ardeam, charitatem autem non habeam, nihil mihi prodest. Illud verè dixit Apostolus.*

*Verissime. Sed revoca mihi animum ad*

sanam considerationem, & sobriam cogitationem: attende diligenter, utrum hareticus, quicumque ille sit, moriatur pro fide Christi, aut virtute, quæ à vera fide Christi commendatur, & non potius pro defensione proprij judicij & arbitrij; enī vero eodem modo foret paratus mori pro quamcumque alia re, quam eodem modo credit, tametsi fidei Catholicae repugnat.

Eleganter appositè D. Aug. lib. 4. contra Jul. c. 3. Absit ut virtutes verae cinguan serviant, nisi illi, vel propter illum, cui dicimus: Deus virtutum converte nos. Prinde virtutes, quæ carnalibus delectationibus, vel quibusque commodis, & emolumenis temporalibus servient vera prorsus esse non possunt. Que autem nulli rei servire volunt, nec ipsa vere sunt. Vere quippe virtutes Deo serviant in hominibus, à quo donantur hominibus: Deo servient in Angelis, à quo donantur & Angelis. Et putas quia virtutes serviant Deo in haeticis, qui Deovarā fide supernaturali non credunt? Quomodo ergo morientur pro veris virtutibus, qui illas in se non habent?

Ex quo etiam liquet non esse verum Martyrem, qui ex vana gloria, aut alio motivo humano mortem acceptat; quia talis non moritur pro fide Christi, aut verâ virtute; etenim si efficacia talis motivi spectetur, non minùs erit paratus ad fatigatam profundam quam veritatem, si existimer non minùs una viâ, quam alia famam se posse acquirere.

Unde D. Aug. supra: Quidquid boni sit ab homine, & non propter hoc sit, propter quod fieri debere vera sapientia præcipit, etsi officio videatur bonus, ipso non recte sine peccatum est. Possunt ergo aliqua bona fieri, non bene facientes, à quibus sunt. Bonum est enim ut subveniatur homini periclitanti, praesertim innocentii. Sed ille qui hoc facit, si amando gloriam hominis magis quam Dei facit, nou bene bonum facit: quia non bonus facit, quod non bona voluntate facit, Absit enim ut sit, vel dicatur voluntas bona, quæ in alijs, vel in seipso, non in Domino gloriat.

Ut autem hæc difficultas perfectius exhauiatur. Noto aliud esse Martyrium parvolorum, aliud Martyrium adulorum; aliud, inquam, non in sua essentia; nam utrumque essentialiter est mors illata pro fide Christi, aut vera virtute, sed aliud in suo subiecto; hoc est, Martyrium adulorum aliquid requirit in Martyre adulto, quod Martyrium parvolorum non requirit in Martyre parvulo.

Sicut Baptismus adulti est essentialiter idem Sacramentum cum Baptismo parvuli; equidem ut valeat Baptismus adulti aliquid requiri

requiritur in adulto, quod minimè requiri-  
tur in parvulo, ut valeat Baptismus par-  
vuli. Et quid illud? Consensus, saltem ha-  
bitualis.

Et verò quid illud, quòd indiget Martyr  
adultus p̄e parvulo? Consentus, saltem ha-  
bitualis, vel interpretativus, id est, ut adul-  
tus sit verus Martyr debet mortem illatam  
propter fidem Christi, aut veram virtutem,  
ex eodem motivo acceptare, saltem inter-  
pretativè. Alioquin quomodo moritur  
pro Christo, aut vera virtute? Eo modo,  
inquis, quo parvulus.

8. Sed contra: parvulus est incapax propriæ  
voluntatis, & ideo testimonium, quod  
nondū potest sermonis, perhabet passionis,  
& sufficit causa testimonio, licet non elo-  
quio distinguitur. Unde cantat Ecclesia  
in Collecta: Deus cuius praconum Innocentes  
Martyres non loquendo, sed moriendo confessi  
sunt.

Acceptat ergo Deus illam mortem pro  
formali testimonio, supplicans ex meritis  
Christi defectum propriæ voluntatis, ut  
sicut voluntas, & peccatum Adami parvu-  
lis obfuit, ut nascendo ex illo contraherent  
peccatum; ita voluntas, & meritum Christi  
illis prodebet, ut renascendo sine aqua,  
sive in sanguine, per ipsum consequerentur  
iustitiam.

De adulto autem quid? Cùm sit capax  
propriæ voluntatis, & ut sic loquar, for-  
maliter homo, id est, humano modo ope-  
rans, iure merito ut renascendo in sanguine  
per Christi merita consequatur iustitiam,  
jure, inquam, meritissimo exigit ab eo  
Deus testimonium non tantum materiale,  
per violentam mortem pro Christo illatam,  
sed maxime formale, id est, acceptationem  
illius mortis ex eodem motivo: nam &  
renasci in aqua non potest, nisi per volunta-  
riam suscepionem Baptismi fluminis, ut  
patet ex dictis disp. 1. sect. 8. conclus. 2.

Accedit, quòd, secundum communem  
sensem Ecclesie, Martyrium adultorum  
sit actus virtutis, quem nemo propriè exer-  
cer absque aliquo suo consensu.

Quæris cujus virtutis? Responde illius,  
ex cuius motivo suscipitur. Si ergo Mar-  
tyr susciperet mortem, quia est res Deo pla-  
cens, erit Martyrium actus Charitatis, sin  
autem quia conductus ad æternam vitam  
consequendam, erit actus spei, & sic de  
ceteris.

Dicitur autem communiter à DD. actus  
fortitudinis; quia ad Martyrium requiri-  
tur maximum animi robur, & versatur in  
materia fortitudinis, idque excellentissimè.  
Etenim quod dicit Aristoteles, materiam

propriam fortitudinis esse pericula bellica,  
non est intelligendum tantum de periculis  
bellicis publicis, ubi pro salute patriæ de-  
certatur, sed etiam de privatis, quando ali-  
cujus vita ab aliquo privato impetratur.

Unde nihil obstat quòd minùs Marty-  
rium possit esse verus actus elicitus fortitu-  
dinis (debet liquide hominem fortem  
poriùs mortem suscipere, quām veram fi-  
dem Christi negare) sic tamen ut sit actus  
interpretatus Charitatis, Spei, aut alterius  
virtutis cum relatione aliqua in Deum: alii  
enim non patientur mortem propter Christum.  
nam ut homo capax propriæ volun-  
tatis dicatur aliquid agere, vel pati propter  
Christum, debet aliquo modo referre  
actum, vel passionem suam in Christum.

Dicebat olim Petrus ad Jesum: Ecce nos  
religimus omnia, & fecuti sumus: quid ergo  
eris nobis? Matth. 19. v. 27. Et meruit Matth. 19.  
audire: Amen dico vobis, quid vos qui fecuti  
es me, in regeneratione &c. v. 28.

Quæ verba expendens D. Hier. lib. 3. S. Hieron.  
in Matth. c. 19. ait: Non dixit: Qui reli-  
quit omnia: hoc enim & Crates fecit Phi-  
losophus, & multi alij divitias contempserunt:  
sed, Qui fecuti es me: quod proprio Aposto-  
lum est, argue credendum:

Sed quid hoc ad propositum? Multum  
per omnem modum. Non dixit Christus  
Matth. 16. v. 25. Qui perdidere animam  
suam, inveniet eam: Nam & multi Gentiles  
perdiderunt animam suam propter natura-  
lem honestatem virtutis: sed: Qui perdidere  
animam suam propter me, inveniet eam; quod  
propriè Apostolorum est atque credendum,  
qui spe retributionis æternæ, vel quod  
perfectius est, ex affectu dilectionis Dei  
super omnia, maluerunt omnia relinquere,  
etiam vitam ipsam, quām fidem Christi,  
aut veram virtutem in minimo negare.  
Hi sunt qui corde credunt ad iustitiam, &  
ore confiduntur Christum, ejusque virtutes  
ad salutem; & ideo merentur audire à  
Christo: Qui confitetur me coram hominibus,  
confitebor & ego eum coram Patre meo, qui in  
caelis est. Matth. 10. v. 32.

Dixi, spe retributionis æternæ; nam quod  
quidam afferunt, intrà Ecclesiam Catho-  
licam mortem debere suscipi ex pura Cha-  
ritate, maximè si intelligent de Charitate  
Dei super omnia, nequaquam placere pos-  
test: multi enim Martyres elegerunt mor-  
tem pro fide Christi, ne vitâ æternâ exci-  
derent, & æternam mortem pro momen-  
tanea incurrerent; ut ex gestis Martyrum  
constat.

Et quid mirum, cùm hæc sit præcipua  
ratio, quam Dominus ipse nobis ob oculos  
ponit

Potest esse  
actus elic-  
tus fortitu-  
dinis, sic  
tamen ut sit  
actus impe-  
ratu. Cha-  
ritatis,  
Spei aut al-  
terius virtu-  
tis cum re-  
latione alii-  
qua in Dea.

10.

Matth. 16.  
Quod suffi-  
ciat actus  
Spei,

Constat ex  
gestis Mar-  
tyrum,

Matth. 16.

ponit Matth. 16. v. 25. *Qui enim voluerit animam suam salvam facere, perdet eam; qui autem perdidit animam suam propter me, inveniet eam.* Vel ut legitur apud Evang. Mattheum c. 8. v. 35. *Qui autem perdidit animam suam propter me, & Euangelium, salvam faciet eam.* Certè innumeris locis Scriptura excitat homines ad bene operandum intuitu mercedis æternæ. Sed de hac controversia alibi.

Tantum hinc adverte locum D. Aug. quem illi Auctores adserunt pro sua opinione nihil minus probare. Est autem lib. 4. de Baptismo c. 17. ibi: *Quod si propter hoc, quia Charitas deest id est, unio cum Ecclesia Catholica, ut exponit epist. 204. supra allegata p[ro]p[ter]a hæretico nihil prodest, nec illis prodest, quos in invidia intus & malevolentia sine Charitate vivere Paulus dicit, Cyprianus exponit.* Bene, optimè. Sed pessima consequentia: Ergo passio, ut profit, debet suscipi ex pura Charitate. Numquid qui suscipiunt ex spe retributionis æternæ, Paulus dicit vivere in invidia intus & malevolentia sine Charitate? Numquid Cyprianus exponit?

Sed mittamus ista, & respondeamus illis, qui jam dictis opponunt, male colligunt necessitatem acceptationis, ex eo, quod Martyrium adulorum sit actus virtutis; Primo; quia non requiritur acceptatio expressa, sed sufficit interpretativa; hæc autem, cum non sit actus specialis voluntatis terminatus ad Martyrium, nequit pertinere ad virtutem Martyrii.

Probatur 1. Secundò; quia eti[am] actus internum acceptans perfectionem mortis sit actus virtutis; ipsa tamen perpessio s[ecundu]m potest esse sine omni actu interno, ut pater in dormiente, parvulus &c.

Probatur 2. Tertiò; est quidem actus virtutis quando adeat acceptatio expressa ob motivum honestum; sicut tamen ad verum Baptismum sufficit quilibet consensus voluntatis, cur non idem sufficit ad verum Martyrium; est ad fructuosum Martyrium requiratur certa dispositio voluntatis?

Respondeo; quia Martyrium non est tantum voluntaria perpessio mortis; sed voluntaria perpessio mortis propter fidem Christi, aut veram virtutem: quamvis nec omnis talis perpessio sit fructuosa, ut constabit ex infra dicendis de dispositio requisita in peccatore, ut in eo Martyrium operetur suum effectum.

Longè alia est ratio de Baptismo, cuius tota essentia consistit in ablutione aquæ cum certa forma verborum; quid ergo mirum, si ad valorem ejus sufficiat quicunque

12.  
Necessitas  
acceptatio-  
nis male vi-  
deatur colli-  
gi ex eo  
quod Mar-  
tyrium sit  
actus virtutis.

Probatur 1.

Probatur 2.

Probatur 3.

13.  
Responde-  
tur ad ult-  
rimum pro-  
bationem,

que voluntatis consensus, nam etiam que-  
cumque intentio ministri sufficit. Breviter, Affigendo  
Baptismus est Sacramentum: Martyrium dispensari  
neutiquam, sed actus heroicæ fortitudinis,  
saltē materialis, cui Deus annexuit gratiam sanctificantem ultra meritum.

Ad secundum dico, perfectionem mortis in somno, antea præyilam & accepatam, esse actum virtutis eo modo, quod homicidium in somno antea præyilatum, & acceptatum est peccatum, quod sufficit. Quod additur de parvulis impertinens est, quia probatio nostra solum loquitur de Martyrio adulorum.

Venio ad primum, & audio dicentem Regium q. 66. a. 12. dub. 2. n. 156. Sufficit ut quis habeat voluntatem interpretativam aut habitualem, qualis est Primo in eo, qui fugiens tyrannum, à quo compellitur ad impia, in fuga subito configitur. Secundò in eo, qui sollicitatus ad defecctionem à fide, quia hanc reculavit, dormiens occiditur: Imò videtur sufficere, ut in odium fidei occidatur, eti[am] de confessione prius nihil cogitaverit; v. g. si in subito hostium incurru deprehendatur dormiens, & in odium fidei occidatur. Colligitur aperie ex D. Tho. infra q. 87. a. 1. ad 2. Hæc Regius.

Et probat Primo: quia hic verè perdit animam propter Christum, quod videtur sufficere ad Martyrium, cum hoc non consistat in actione, sed passione. Secundò, quia infantibus hoc modo obita mors sufficit ad Martyrium; cur non etiam adulis justis?

Interrogo ego: cur non etiam adulis peccatoribus, si non ut fructum recipiant, saltē ut sint veri Martyes? Ratio ergo disparitatis supra est assignata, quia hic est hic, & ille est ille, id est, quia parvulus est incapax propria voluntatis, & adulis capax, & ideo merito plus exigit Christus ab adulto, ut censeatur pro illo mori, quam à parvulo.

Ex quo patet responsio ad primam probationem, nimurum Martyrium confitere in passione; sed voluntariā, quando subiectum est capax. Sicut Baptismus, ut super dixi, consistit in ablutione activa, & passiva cum certa forma verborum; sed voluntariā, etiam ex parte fulcipientis, si est capax; alioquin in parvulis sufficit voluntarium ex parte ministrantis.

Quid ergo ad D. Thomam? Si est sententia D. Thome jungo dexteram. Hæc sunt verba ejus loco citato: *Ad secundum dicendum, quod passio pro Christo suscepit.... obtinet vim Baptismi. Et ideo purgat ab omni culpa & veniali.*

& veniali, & mortali, nisi actualiter voluntatem peccato invenerit inherentem. Loquitur de eo, qui dormiens occideretur propter Christum.

Sed quis hoc negat? Nonne etiam Cathechumenus dormiens validè & fructuōsè potest baptizari? Nemo dubitat, si tamen antea habuisset propositionem explicatum vel implicitum Baptismi, ut dictum est disp. præced. sect. 8. conclus. 2. Ergo verus esset Martyr, qui dormiens occideretur, esto nihil antea cogitaverit, aut voluerit de Martyrio sive implicitè, sive explicitè, negatur consequentia: sicuti non sequitur; ergo dormiens, qui numquam cogitavit, aut voluit implicitè, vel explicitè Baptismum, validè baptizatur.

Ecce candide Lector quād aperte ex D. Thoma Regius colligat suam sententiam; cui prōinde merito à plurimis contradicitur; ab ijs utique omnibus, qui cundem consensum requirunt ad Martyrium, qui requiritur ad validum Baptismum. Et qui illē? Consensus ad minūs habitualis, id est, actualis præteritus, explicitus, vel implicitus, non revocatus: & ille consensus est sufficiens, ut actualis perpeccio mortis, postea involuntariè subsecuta, denominetur actus externus virtutis.

Hinc si quis ob fidem conjectus in vincula, statueret apud se mori potius, quād fidem negare; & ille postea in somnis odio fidei inteficeretur, esset verè Martyr. Nam illam mortem acceptavit; ejusque perpeccio est ei voluntaria, quatenus pender a voluntate præcedente, & habitualiter perfelerante.

19. Sed pono casum, aliquis cum S. Joanne Baptista dicit Regi: Non licet tibi habere uxorem fratris tui, prævidens se propterea occidendum. Occiditur quando nihil minus cogitat: Num erit verus Martyr? Erit planè (inquis) tametsi numquam expressè & explicitè mortem acceptasset. Nam qui vult media, ex quibus advertit finem secuturum, moraliter censetur velle finem,

Sed meo iudicio res non carerit difficultate: stat siquidem cum hujusmodi actu expressa nolitus mortis. Sicut in simili diximus de Baptismo disp. præced. loco supra citato, non sufficere ad valorem Baptismi consensus interpretativum; v.g. prævider quis se baptizandum in ebrietate, inebritate, baptizatur, probabile est Baptismum non valere, nisi aliquo expresso acta acceptaverit ante ebrietatem Baptismum tunc conferendum; idque ideo, ut aliqui volunt,

quia cum illa voluntate interpretativa, stat directa nolitus Baptismi.

Unde respondeo ad probationem cum distinctione, qui vult media, ex quibus advertit finem secuturum ex natura rei infallibiliter, moraliter censetur velle finem, transcat; ex quibus advertit finem secuturum ex libera alterius voluntate, nego. Sic quippe puella honeste se ordinans non dicitur moraliter velle libidinosam concupiscentiam juvenis, nisi eam prævidat certè moraliter secutram.

Vel ergo dicendum est non requiri idem voluntarium ad Martyrium, & Baptismum; vel assendum etiam ad Baptismum sufficere consensum interpretativum, aut certè negandum hunc fore verum Martyrem. Elige quod placet; equidem tale Martyrium non erit sine aliquo vero actu virtutis, ut patet.

Neque hinc sequitur hujusmodi hominem fore verum Martyrem, quantumvis mors re ipsa non inferretur; quia non cuilibet actui virtutis promissa est gratia Martyrii, sed actui virtutis interno coniunctio cum externa perpeccione mortis.

Cæterum ad Baptismum requiri majus voluntarium docet conseqüenter Regius supra num. 137. Primo; quia per Baptismum suscipitur novus status & obligatio, quam à libero convenient libere suscipi: Iesus est in Martyrio. Secundo; quia Baptismus est institutus in remissionem peccati: Etsi autem convenias infantes, qui non peccarunt propriâ voluntate sine propria voluntate justificari, non tamen convenit adultos ita justificari, quia propria voluntate peccarunt. Unde nec Martyrium adultos peccatores justificat sine proprio moto voluntatis. In justis autem hæc locum non habent, cum non agatur de eorum conversione ad Deum, sed de munere quodam accipiendo, quod damnatum, quod Dei causa patiuntur, ejusdem liberalitate compensetur. Hec ille.

Verum enimvero si de liberalitate agitur; dicamus Deum requirere actualem Martyris ad se conversionem; num ideo non erit liberalis? Quid si sufficiat habitualis? Tantò plus erit liberalior.

Dices cum Regio supra; justis habitualiter saltem talis mors est voluntaria; quia ratione Charitatis infuse habitualiter inclinatur ad mortem Dei causâ subeundam. Cum itaque talis habitualis voluntas sufficiat, ut quedam Sacraenta cum effectu suscipiantur; nam Confirmatio, Extrema Unctio, arque Baptismus validè confertur cuivis per contritionem justificato, & jam

20.  
Responso  
ad proba-  
tionem  
sententia  
affirmata  
vix:

21.  
Regius ad  
Baptismum  
requiri  
majus vor-  
luntarium  
quam ad  
Martyrium.

Minus re-  
cte ratione  
fundatur in  
Dei libera-  
litate.

22.

Aut in chro-  
nica infus-

## De Baptismo.

402

### Disputatio 2.

& jam omnibus sensibus destituto , cur non etiam sufficiat ad effectum Martyrii, cùm Patres huic majorem vim tribuant quām Baptismo ?

Eò quod illa sit tantum implicita voluntas medium ad falelum necessarium,

Respondent aliqui ; quia justitia habitualis , & maximè contrito , per quam est acquisita , censetur implicita voluntas & acceptatio cuiuscumque mediij necessarij ad salutem : confat autem Baptismum esse medium necessarium ; secūs Martyrium ; cùm in persecutionibus per se loquendo licet fugā , pecunia , inō precibus exteriorēm fidei confessionem declinare , ac veram fidem dissimulare .

23. Adde ; Confirmatio , Extrema Unctio , Eucharistia , iudic & Punitentia ,

Aut falem ordinatio-

rum ,

quamvis non omnia sint necessaria ad salutem , tamen sunt remedia ordinaria , quæ omnes Christiani in extremis petere solent , si ratione utantur ; & ideo vita Christianæ acta per frequentationem Sacramentorum , ab omnibus habetur implicita eorum petitio ; ut omittam quod , antequam inciderent in morbum , indubie lepius habuerint expressum propositum illis utendi in eo articulo ; quod propositum habitualiter perseverat , etiam dum ratione non utuntur ; quia numquam fuit revocatum .

At vero Martyrium est remedium planè extraordinarium & valde singulare , nec omnes ita sunt affecti ut id desiderent , aut aliquando desideraverint explicitè ; neque ipso modo vivendi satè declarant se id cupere ; sicut etiam non censentur velle Sacerdotium , aut Matrimonium ; quamvis sint vera Sacraenta , non minus collativa gratia sanctificantis , quām Martyrium , & alia Sacraenta , quæ omnes censentur implicitè petere .

Si reponas ; quia Sacerdotio , & Matrimonio annexuntur gravia onera , ad quae Deus neminem voluit obligare , nisi liberè prorsus consentiret . Contra facit , quod nullum sit maius onus ipsa morte , quæ non semper est in præcepto , ut statim dixi .

24. Dices ; inde solū videtur sequi , quod non velit mortem absolutè . Quod autem non velit etiam conditionatè , ut si foret inferatur dormienti , vel nihil de ea cogitanti , profit ipsi optimo modo quo potest , unde confas ? Certè rogati etiam tepidi Christiani sic responderent . Planè sic responderent ; sed hic queritur an talis voluntas sufficiat , quod multi negant .

Intetim tamen si daretur casus , quo Martyrium esset in præcepto , tunc fateor , per quemlibet actum charitatis sive con-

Nisi foret in præcep-

to ,

tritionis , aut etiam efficacis attritionis censesetur potius velle mori , quām Deum offendere aut fidem negare ; ac proinde si quis eo casu etiam de morte non cogitans occideretur , effet vētē Martyr .

Ast quis ille casus , quo dormienti v.g. qui ante nihil de confessione fidei cogitat , Martyrium est in præcepto ? Per verbum nescio solvit omnis querelio . Hecculè tunc solū præcipit Martyrium , quando vel fides est neganda , vel mors op̄petenda . Existimas autem quia dormienti qui de confessione fidei prius nihil cogitat , aliquando fidem negavit , aut negare potuit ? A sæculo non est auditum .

Quid ergo si dormiens sit peccator & solū attritus , nonne tunc salem censabitur implicitè velle illam mortem tamquam unicum medium necessarium ad salutem ? Quidni , cùm ita censeatur velle Baptismum ?

Utcumque ergo sit de voluntate tantum interpretativa , puto omnino sufficere , si quis extra pérículum sic effet sc̄ulariter constitutus , ut in necessitate faciendo alterutrum , mori malle , quām fidem negare ( si vera sit & absoluta voluntas sāpe tantum sunt velleitates ) quia præcedens voluntas non retractata sumit ut occidendum censeatur se habere passivē etiam in morali astimatione (uti in Baptismi susceptione ) neque debet ipse activè influere , cùm Martyris sit pati , non activè influite in mortem .

Nec refert quod fore in medijs perculis animum mutaret ; quia hæc conditionalis proposicio nihil ponit in re . Sicut quod infirmus hoc vel illud Sacramentum noluisse , si hoc vel illud sc̄ivisse , non tollit habitualē consensum , & implicitam p̄ditionem , si absolvē & simpliciter ante infirmitatem voluit .

Hæc est vera voluntas habitualis , qua sola vere & proprie denominatur homo habitualiter volens . Enimvero quis Theologorum sic umquam fuit locutus : Infans per Baptismum inserviat habitualiter vult & consenit in mortem pro fideli Christi postea inferendam ? Omnes per voluntatem habitualē intelligent non habitum aliquem , sed actum præteritum non revocatum .

Argue ut vera esset sententia Regis , neque enim invideo cuiquam Martyri gloriam : attamen nego illam consequentiam : ergo Martyrium adulorum non est actus virtutis . Dico quippe humili modi Martyrium nullo modo prævolum , & per consequens nec in se , nec in alio accepta .

acceptatum, non esse Martyrium adulorum, sed parvolorum; quia tales homines, quamvis verè sint adulti, tamen patiuntur instar parvolorum.

*Alier occisi, centenari mori ut parvuli, esto forent adulti.*

*Hebr. 11.*

acceptatum, non esse Martyrium adulorum, sed parvolorum; quia tales homines, quamvis verè sint adulti, tamen patiuntur instar parvolorum.

Sicuti probabile est hominem adultum posse salvari per solam gratiam baptismalem sine ullo actu supernaturali fidei (si v. g. moriatur ante sufficientem propositionem articulorum fidei) quamvis scriptum sit de adultis ad Hebr. 11. vers. 6. Sine fide (scilicet actuali), de qua ibi tractat Apostolus, ut patet ex contextu) impossibile est placere Deo. Quomodo ergo salvatur talis adultus? Respondeo salvatur non ut adultus, sed ut parvulus; utsopus per solam gratiam baptismalem sine ullo merito proprio condigno vita eterna.

Sic reserto primo mysterio, aggrediamur secundum, pro quo majoris explicatio gratia erit

## CONCLUSIO II.

Ad Martyrium verum & propriè dictum requiritur mors, violenter illata non relinquenti.

28.  
Nullus censendus  
Martyr nisi  
eius non resistenter  
mors violenter in-  
ficitur.

**U**traque pars suos habet antagonistas; est equidem communis sensus Ecclesia, qua non solet colere pro veris & propriè dictis Martyribus, nisi quos gladius persecutoris abstulit absque repugnanti, exemplo Christi, qui testimonium dedit veritatis, patiendo mortem violentam sine contradictione: nam cum pateretur non comminabatur, sed tamquam ovis coram tendente se obmutuit, & non speruit os suum.

D. Thom.

Unde commune dictum: *Martyr non pugnat*: & qui illud non curat, eum tamquam communis sensui obstrepentem nec audire, nec curare debemus; sed magis auctoritudo fuit verba Doctoris Angelici 3. parte quest. 66. art. 11. in corpore: *Et ideo preter Baptismum aquae, potest aliquis congeui Sacramenti effectum ex passione Christi, in quantum quis ei conformatus pro Christo patiendo. Conformatur, inquam, sustinendo mortem sine meritis mortis, ab ini- micio fidei, pro veritate fidei, non relin- cendo. Sed expendamus singula.*

29.  
Unde re-  
quiritur  
mors vel in

rum Martyrium, quod esset talis causa se, vel in sua causis queretur mors, nisi divinitus impediretur: prout impedita fuit in tribus pueris in fornace Babylonica, Joanne Euangelista missio in ferventis olei dolium, & pluribus alijs, qui ab Ecclesia inter Martyres numerantur. Profectò quod effectus divinitus impediatur auget vim testimoni: quippe per hoc fit omnibus manifestum, Deum illius causam approbare.

Utraque enim est efficax fidei testimonium, quam si re ipsa mors subsequetur. Quis ergo formidet tales præmium & laureolam Martyrij consecuturos, si in gratia finaliter decelerint? Taliter autem illos discedere, qui fortiter dimicando jan ad terminum sui cursus pervenerant, nisi speciali Dei operatione fuisse prolongatus, pie omnino credendum est.

Et vero licet ab antiquis Tertulliano, Cypriano, & alijs sepe confessores illi, qui pro Christo pati cœperant, fuerint inter Martyres numerati, tametsi neicum lethalia vulnera accepissent, aut sufficiens causa mortis posita fuisset; tamen hoc tempore non solent Martyres vocati, nisi saltem arumnis & squaloribus pro Christo toleratis confecti, mortem appetient; qualiter obierunt Marcellus Papa conjectus in stabulum bestiarum, & Leocadia virgo carceri inclusa.

Parum quippe refert quo modo, aut quo instrumento mors inferatur: sufficit ut infligatur alteri, quod spectatis personæ circumstantijs est ei causa mortis: quantumvis etiam nullum actu caufaret dolorum, quem Deus subinde impedit in Martyribus. Ipsa mors est fatis ingrata, ejusque acceptatio molesta. At vero si mors aliunde superveniat, Martyres non erunt, et si in carcere moriantur.

Numquid ergo veri Martyres, qui moriuntur in servitio pestiferorum, & qui cumque qualitercumque pro fratribus moriuntur? Non ausim assertere propter communem sensum Ecclesia in contrarium: nulquam enim legitur Ecclesiam censuisse ac habuisse pro veris & propriè dictis Martyribus, qui animam suam pro fratribus posuerunt vel in servitio pestiferorum, vel in iusto bello.

Dico, *Pro veris & propriè dictis Martyribus*; quoniam in Martyrologio Romano ad 28. Februarij sic scriptum repetitio: *Commemoratio SS. Presbyterorum, Diaconorum, ac ceterorum ministrorum, qui tempore Valentiniiani Imperatoris, cum pestis sevissima*

30.

Quales nos  
sunt qui  
servitio pe-  
stiferorum  
immorium  
tus,

Ecc 2

graffia